

BOSNA I HERCEGOVINA
FEDERACIJA BOSNE I HERCEGOVINE
SREDNJOBOSANSKI KANTON
OPĆINSKI SUD U BUGOJNU
Broj: 46 0 K 109814 23 K
Bugojno, 21.03.2024. godine

U IME FEDERACIJE BOSNE I HERCEGOVINE !

Općinski sud u Bugojnu, po sudiji Sonsirej Radivojević, uz sudjelovanje zapisničarke Maide Cetin, u krivičnom predmetu protiv optuženog A.D. i optuženog E.B. zbog krivičnog djela „Krađe“ iz čl. 286 st. 1. Krivičnog zakona Federacije Bosne i Hercegovine¹ (u daljem tekstu KZ FBiH) po potvrđenoj optužnici Kantonalnog tužilaštva broj: T06 0 KT 0031382 22 od 05.09.2022. godine, nakon održanog i zaključenog usmenog glavnog pretresa dana 19.03.2024. godine održanog, u prisustvu Kantonalnog tužitelja Saćira Hadžića i optuženih, donio je i dana 21.03.2024. godine u odsustvu stranaka javno objavio:

P R E S U D U

- 1. OPTUŽENI A.D.**, zvan „K.“, sin S. i majke S1. rođene Z., rođen godine, u B., nastanjen u mjestu Kula bb, općina B., državljanin BiH,, JMBG:, po zanimanju plinski vodoinstalater, nezaposlen, neoženjen, lošeg imovnog stanja, neosuđivan,
- 2. OPTUŽENI E.B.**, zvan „A.“, sin A. i majke S2. rođene K., rođen godine, u B., nastanjen u mjestu Gromile br 5, općina B., državljanin BiH,, JMBG:, sa brojem pasoša, završena osnovna škola, nezaposlen, oženjen, bez djece, lošeg imovnog stanja, neosuđivan.

K R I V I S U

Što su:

Dana 04.02.2022. godine u 01,20 sati, u Bugojnu, u namjeri pribavljanja protupravne imovinske koristi, po prethodnom dogovoru i zajedno, se vozilom marke WV Passat, crne boje, dovezli do parking prostora u ulici Bosanska bb, općina Bugojno na kojem je bio parkirano vozilo marke Mercedes, džip, crne boje, registarskih oznaka, vlasništvo A.R., prišli vozilu zatim otvorili vrata vozila koja nisu bila zaključana, ušli u unutrašnjost vozila i izvršili premetačinu stvari, svjesni da ulaze u vozilo koje je vlasništvo druge osobe kako bi oduzeli i prisvojili za sebe pokretne stvari i htijući to, odakle su oduzeli i prisvojili viznu karticu Brigtwell, USB, bluetooth, parfem marke „Chanel“, ličnu kartu, te nakon kraćeg zadržavanja u vozilu i pokraj vozila udaljili sa lica mjesta u nepoznatom pravcu, a za navedene predmete oštetili oštećenog.

¹(„Službene novine Federacije BiH“, br. 36/2003, 21/2004 - ispr., 69/2004, 18/2005, 42/2010, 42/2011, 59/2014, 76/2014, 46/2016 i 75/2017)

Dakle, oduzeli tuđu pokretninu u namjeri da njenim prisvajanjem sebi pribave protupravnu imovinsku korist.

Čime su počinili krivično djelo „Krađa“ iz člana 286. stav 1. u vezi sa članom 31. KZ F BiH.

Pa sud optuženim A.D. i E.B. uz primjenu navedene zakonske odredbe kao i uz primjenu odredaba članova člana 42., 43., 49. i člana 62. Krivičnog zakona Federacije Bosne i Hercegovine, kao i uz primjenu odredbe člana 300. Zakona o krivičnom postupku Federacije Bosne i Hercegovine (u daljem tekstu ZKP FBiH) ², za navedeno krivično djelo **i z r i č e**:

U V J E T N U O S U D U

kojom se optuženim A.D. i E.Be. utvrđuje kazna zatvora u trajanju od **po 3 (tri) mjeseca** , te se istovremeno određuje da se kazna neće izvršiti, ukoliko optuženi u roku od **1 (jedne) godine** , računajući od dana pravomoćnosti ove sudske presude, ne počineno krivično djelo.

Na temelju odredbe člana 212. stav 3. Zakona o krivičnom postupku Federacije Bosne i Hercegovine oštećeni A.Ri. se sa imovinsko pravnim zahtjevom upućuje na parnični postupak.

Na temelju odredbe člana 202 stav 1. Zakona o krivičnom postupku Federacije Bosne i Hercegovine sud optužene obavezuje na naknadu troškova krivičnog postupka i to na ime troškova paušalnog iznosa od po 50,00 KM.

O b r a z l o ž e n j e

Na temelju odredbe člana 212. stav 3. Zakona o krivičnom postupku Federacije Bosne i Hercegovine oštećeni A.R. se sa imovinsko pravnim zahtjevom upućuje na parnični postupak, jer u postupku nije utvrđena stvarna vrijednost štete na trafostanici ni njen popravak, niti je oštećeni u tom smislu provodio materijalne dokaze.

Temeljem odredaba člana 202. stav 1. ZKP-a F BiH sud je optužene obavezao da naknade troškove sudskog postupka i to sudskog paušala u iznosu od po 50,00 KM, pri čemu je imao u vidu dužinu trajanja i složenost krivičnog postupka, te lične i imovinske prilike optuženih i osoba koje izdržavaju.

Zapisničarka:
Maida Cetin

S U D I J A
Sonsirej Radivojević

² ("Službene novine Federacije BiH", br. 35/2003, 56/2003 - ispravka, 78/2004, 28/2005, 55/2006, 27/2007, 53/2007, 9/2009, 12/2010, 8/2013, 59/2014 i 74/2020)